



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

« 03 » 11 2020թ.

ք. Երևան, Ս. Դավթի 87Ա

ՈՐՈՇՈՒՄ N 927-1-Ա ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Տիգրան Վահագի Պողոսյանի և Լիլիթ Էդվարդի Մնացականյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ տեղեկանքի ֆիզիկական անձ Տիգրան Վահագի Պողոսյանի (ՀՎՀՀ՝ 32451798, ՀԾՀ՝ 3510750020, Հասցե՝ ք. Երևան, Զամբուլի փ. 30 տուն) և Լիլիթ Էդվարդի Մնացականյանի (ՀԾՀ՝ 6010810450, Հասցե՝ ք. Երևան, Ռ. Մելիքյան փ. 20 տուն) չկատարված հարկային պարտավորությունը 13.11.2019 թվականի դրությամբ կազմել է 1.846.000 դրամ, որից ապառք՝ 1.600.000 դրամ, տույժ՝ 246.000 դրամ, որն առաջացել է ֆիզիկական անձի կողմից 2018 թվականին շարժական գույքի օտարման գործարքի արդյունքում և ՀՀ հարկային օրենսգրքի (այսուհետ՝ Օրենսգրք) 401-րդ հոդվածի համաձայն հաշվարկված տույժերից:

Վերոնշյալ պարտավորությունը գանձելու վերաբերյալ 17.01.2020 թվականին կայացվել է թիվ 927-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, նույն օրենսգրքի 156-րդ հոդվածի 4-րդ մասի 2-րդ կետի համաձայն պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53 հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ 17.01.2020 թվականին թիվ 927-Ա որոշումը կայացնելուց հետո ֆիզիկական անձ Տիգրան Վահագի Պողոսյանի և Լիլիթ Էդվարդի Մնացականյանի սնանկության գործով կառավարչի կողմից 28.08.2020թ-ին ներկայացվել է եկամտային հարկի և սոցիալական վճարի 2018 թվականի տարեկան հաշվարկ, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա 17.01.2020 թվականին կայացված թիվ 927-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով ՀՀ վարչարարության հիմունքների և վարչական վարույթի մասին>> ՀՀ օրենքի 66-րդ հոդվածի 2-րդ մասով

ՈՐՈՇԵՑԻ

Ֆիզիկական անձ Տիգրան Վահագի Պողոսյանի և Լիլիթ Էդվարդի Մնացականյանի վերաբերյալ ՀՀ ՊԵԿ իրավաբանական վարչության պետի կողմից 17.01.2020 թվականին կայացված չկատարված հարկային պարտավորությունները գանձելու մասին թիվ 927-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

ԱՐՄԱՆ ՄԱՅԱԿԱՆՅԱՆ

Կար.՝ ԻՎ ՀԳ և ՊԿԱ բաժնի
գլխավոր մասնագետ Թ. Ասրյան
Հեռ. 011549191/91-89/



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
www.petekamutner.am Էլ. փոստ՝ secretariat@petekamutner.am